



Pagpapabakuna para Maging Protektado Laban sa Sakit na COVID-19

Ang mga updated na bakuna sa COVID-19 para sa 2024-2025 ay ligtas, mabisa, at inirerekomenda para sa lahat ng 6 buwan pataas.

Ang karamihan ng taong may edad na 5 taon pataas ay kailangan lang ng 1 updated na dosis para sa 2024-2025 upang maging updated.

- Ang mga batang 6 buwan-4 taon ay maaaring kailangan ng higit sa 1 dosis ng updated na mRNA na bakuna sa COVID-19 para sa 2024-2025 upang maging updated sa pagpapabakuna sa COVID-19.
- Ang mga taong 6 buwan pataas na katamtaman o malubhang immunocompromised ay dapat magkompleto ng pangunahing serye gamit ang isang bakuna sa COVID-19 para sa 2024-2025 na angkop sa edad at maaaring tumanggap ng mga karagdagang dosis ng updated na bakuna sa COVID-19 para sa 2024-2025 nang hindi bababa sa 2 buwan pagkatapos ng kanilang huling dosis.

Aling mga bakuna sa COVID 19 ang available sa kasalukuyan?

Pfizer BioNTech/Comirnaty

Formula para sa 2024 2025, 6 buwan pataas*

Moderna/Spikevax

Formula para sa 2024 2025, 6 buwan pataas*

Novavax

Formula para sa 2024 2025, 12 taon pataas

**Ang Comirnaty at Spikevax ay mga brand name ng mga mRNA na bakuna na kasalukuyang aprobado para sa edad 12 pataas. Ang mga mRNA na bakuna ng Pfizer at Moderna ay awtorisado para sa edad 6 buwan pataas.*

Ligtas bang tumanggap ng iba pang bakuna kasabay ng bakuna sa COVID-19?

Oo, ligtas na magpabakuna sa COVID-19 kasabay ng pagkuha mo ng iba pang bakuna. Hindi mo kailangang iiskedyul ang iba pang inirerekomendang bakuna nang hiwalay sa pagpapabakuna sa COVID-19. Ang appointment para sa bakuna sa COVID-19 ay isa pang pagkakataon upang makuha ang lahat ng inirerekomendang bakuna.

Ilang dosis ang kailangan ng anak ko upang maging updated?

Ang mga batang 6 buwan – 4 taong gulang na hindi pa nabakunahan ay inirerekomendang tumanggap ng 2 dosis ng updated na bakuna sa COVID-19 ng Moderna para sa 2024-2025 o 3 dosis ng updated na bakuna sa COVID-19 ng Pfizer para sa 2024-2025.

Ang mga batang 6 buwan – 4 taong gulang na nabakunahan na dati ay inirerekomendang tumanggap ng 1 o 2 dosis ng updated na bakuna sa COVID-19 ng Moderna o Pfizer para sa 2024-2025 (ang oras at bilang ng dosis na ibibigay ay depende sa [mga] bakuna sa COVID-19 na natanggap na dati).

Ang mga batang 5 taon pataas ay updated sa pagpapabakuna sa COVID-19 kung tatanggap sila ng kahit 1 dosis ng updated na bakuna sa COVID-19 ng Moderna o Pfizer para sa 2024-2025.

Ang mga indibidwal na 12 taong gulang pataas na hindi pa nabakunahan ay angkop na tumanggap ng 2 dosis ng bakuna sa COVID-19 ng Novavax para sa 2024-2025 na Adjuvanted nang may 3 linggong agwat.

Ang mga indibidwal na 12 taong gulang pataas na nabakunahan na dati ng bakuna sa COVID-19 (at hindi pa nabakunahan ng mRNA na bakuna sa COVID-19 para sa 2024-2025) ay angkop na tumanggap ng 1 dosis ng bakuna sa COVID-19 ng Novavax para sa 2024-2025 na Adjuvanted.

Ang mga batang 6 buwan pataas na katamtaman o malubhang immunocompromised ay dapat magkumpleto ng seryeng may 3 dosis at maaaring tumanggap ng 1 o higit pang karagdagang updated na dosis ng bakuna sa COVID-19 para sa 2024-2025 nang hindi bababa sa 2 buwan pagkatapos ng kanilang huling dosis.

DOH 820-246 Tagalog

Upang hilingin ang dokumentong ito sa ibang format, tumawag sa 1-800-525-0127. Para sa mga customer na bingi o nahihirapang makarinig, mangyaring tumawag sa 711 (Washington Relay) o mag-email sa doh.information@doh.wa.gov.

May gagastusin ba para sa mga bakuna sa COVID-19?

Tulad ng ibang bakuna, ang mga bakuna sa COVID-19 ay saklaw sa karamihan ng plano ng insurance. Patuloy na magiging available nang libre ang mga bakuna sa COVID-19 para sa lahat ng bata sa estado ng Washington hanggang sa kanilang ika-19 na kaarawan sa tulong ng [Childhood Vaccine Program \(Programang Bakuna para sa Kabataan\)](#) (English lang). May mga programa rin para sa mga taong nasa hustong gulang na makatutulong upang sagutin ang mga gastos sa pagpapabakuna kung wala silang insurance sa kalusugan o hindi saklaw ng plano nila ang bakuna. Kung ikaw ay nasa hustong gulang na lampas na sa edad na 19 at walang insurance o may hindi sapat na insurance, karapat-dapat kang makatanggap ng bakuna sa COVID-19 para sa 2024-2025 sa murang halaga sa tulong ng isang tagapagbigay-serbisyon ng kalahok sa [Washington State Adult Vaccine Program](#) (AVP, Programang Bakuna para sa Taong Nasa Hustong Gulang sa Estado ng Washington) (English lang). Ang iyong tagapagbigay-serbisyo para sa AVP ay maaaring maningil ng bayad para sa pangangasiwa upang maibigay ang bakuna, pero maaari mong hilinging i-waive ang bayad na ito kung hindi mo ito mababayaran. Hindi ka puwedeng talikuran ng isang tagapagbigay-serbisyo para sa AVP kaugnay ng iyong pagtanggap ng bakuna sa COVID-19 kung hindi ka makababayad. Upang makahanap ng mga kalahok na tagapagbigay-serbisyo, gamitin ang [mapa ng tagapagbigay-serbisyo para sa AVP](#) (English lang). Puwede mong tawagan ang isang tagapagbigay-serbisyo para sa AVP na malapit sa iyo para sa iba pang impormasyon tungkol sa pagiging available at iskedyul ng produkto.



Makipag ugnayan sa
Covid.Vaccine@doh.wa.gov
360 236 3642

[Klinikal na Patnubay para sa Pagbabakuna sa Covid 19](https://www.cdc.gov/vaccines/covid-19/clinical-considerations/interim-considerations-us.html#covid-vaccines)
<https://www.cdc.gov/vaccines/covid-19/clinical-considerations/interim-considerations-us.html#covid-vaccines>

[Childhood Vaccine Program](https://doh.wa.gov/public-health-healthcare-providers/public-health-system-resources-and-services/immunization/childhood-vaccine-program) <https://doh.wa.gov/public-health-healthcare-providers/public-health-system-resources-and-services/immunization/childhood-vaccine-program>

[Adult Vaccine Program](https://doh.wa.gov/public-health-healthcare-providers/public-health-system-resources-and-services/immunization/adult-vaccine-program) <https://doh.wa.gov/public-health-healthcare-providers/public-health-system-resources-and-services/immunization/adult-vaccine-program>

[Vaccines.gov](https://www.vaccines.gov) [https://www.vaccines.gov/](https://www.vaccines.gov)